

GOUVERNEMENT
DE LA REPUBLIQUE
DE VANUATU

MINISTRE DE L'EDUCATION ET DE
LA FORMATION

DIRECTEUR GENERAL
Sac De Courier Privé 028
Port Vila, Vanuatu
Tel : 22309

Email : ibergmans@vanuatu.gov.vu



GOVERNMENT
OF THE REPUBLIC
OF VANUATU

MINISTRY OF EDUCATION AND
TRAINING

DIRECTOR GENERAL
Private Mail Bag 028
Port Vila, Vanuatu
Tel : 22309

Email : ibergmans@vanuatu.gov.vu

OFFICE OF THE DIRECTOR GENERAL - BUREAU DU DIRECTEUR GENERAL

21 Maj 2020

To: Evri Profinsol Edukesen Ofisa
Evri Prinsipol
Evri parents mo guardians blong ol pikinini long Kinderkarten, Praemeri mo Sekondari Skul

Namba 1 MoET Advisory long sik Corona Virus, COVID-19

Wetem current situesen blong sik corona virus (COVID-19) we Wol Helt Orkanisesen (WHO) hemi talemaot se hemi wan sik we hemi stap spred go long fulap kaontri long wol mo hemi afektem bigwan olketa man, woman mo pikinini long ol diffren kaontri ia, Ministri blo Educaiton mo Training (MoET) hemi stat blong karemaot olketa impoten disisen. Hemia hemi blong mekem sua se evri Provinsol Edukesen Ofisa, ol Prinsipol mo ol Skul Komuniti, oli save gud wanem nao olketa skuls oli mas mekem blong mekem sua se ol tija, wokman mo ol pikinini long skul hem oli mas stap safe oltaem blong katem daon janis blo kasem sik ia.

Folem tinktink ia, Ministri hemi stap tekem ol important disisen we bae hemi adressem olketa level blong edukesen ia: **kinderkarten (ECCE), praemeri mo sekonderi**. Ol disisen hemi olsem:

Namba 1:

Ministri hemi stap tekem disisen blong cuttem aot olketa public gathering long eni ofis or skul we hemi stap anda long Ministri blong Edukesen mo Trening. Hem ia hemi inkludim eni miting, konferens or trening we mbae hemi shud tek ples. Instraksen ia hemi efektif stat tudei **21 March 2020** hemi go. Long sem taem tu, disisen ia hem blong katem daon olketa man o woman we oli stap kam long ol ofis mo skul blong karem ol infomesen. Mi stap askem evriwan blong oli yusum telephone nomo o oli yusum email blong toktok wetem olketa long ol ofis o long ol skul.

Namba 2:

Ministri hemi tekem decision blo ol schools blo trifala provins blong TAFEA, SHEFA mo SANMA bae hemi close start lo Monday 23 March kasem taem we Ministry hemi talem aot date we bae ol schools i save open bagegen. TAFEA, SHEFA mo SANMA, ministry hemi prioritasesem from trifala ples we hemi kat akses long olketa man o woman we oli kam long ol narafala kaontri long wol we sik ia hemi stap long hem finis. . Ministry i wandem assurem everiwan -

parents mo community se mbae Ministri bae hemi monitorem gud situesen we hemi stap mo mbae hemi informem evriwan long nekis aksen we mbae hemi tek ples long olketa skuls long TAFEA, SHEFA mo SANMA mo too lo ol narafala provinces blo yumi

Namba 3:

Folem disisen namba 2, evri tija blong TAFEA, SHEFA mo SANMA provins, oli mas stap long ol wan wan skul we oli stap tij long hem, stat long Mandei 23 Maj 2020, blong oli mas wok long "home-schooling package" blong olketa pikinini, blong kaveremap wan period blong 3 manis, blong evri level blong edukesen: kindergarten, prameri mo sekondari skuls.

Mbae "home-schooling package" ia mbae hemi mas kat ol following infomesen ia long hem blong helpem ol students mo parents o guardian taem oli stap long haos. Evri "home-schooling package" ia hemi mas kat olketa following samting ia:

- (i) Ol "prescription" blong wan wan subjek blong wan wan klas we wan tija hemi tijim; Prescription hemi blong helpem ol paren oli anderstandem wanem nao ol pikinini oli mas learnem long taem ia.
- (ii) Ol "scheme of work" blong wan wan subjek blong wan wan klas;
- (iii) Ol "lesson plan" blong wan wan subjek blong wan wan klas;
- (iv) Ol "learning aktiviti" blong wan wan subjek blong wan wan klas;

Evri tija oli kat responsibiliti blong mekem sua se evri samting ia oli mas stap insaed long wan wan home-schooling package, we mbae hemi kaveremap wan period blong 3 manis.

Evri tija oli mas komplitim ol "home-schooling package" blong wan wan klas blong hem long Fradei 27 Maj 2020. Mbae everi skul impruvmen ofisa mo olketa maneja long central ofis blong Ministri mbae oli monitorem olketa skuls long period ia blong mekem sua se ol materiol ia hemi finis long taem ia.

Mbae Ministri hemi kat responsibiliti blong mekem sua se evri pikinini oli kat akses long ol materiol ia. Long sem taem tu, taem ol materiol blong "home-schooling package" hemi redi mbae Ministri hemi puttum long website blong Ministri blong evri pikinini, tija mo parent o guardian oli save kat akses long ol infomesen ia.

Namba 4:

Mbae olketa skuls long TORBA, PENAMA mo MALAMPA mbae oli kontiniu nomo watem skul. Ministri mbae hemi monitorim situesen long TAFEA, SHEFA mo SANMA, mo mbae jes stap informem everiwan bakekan sipos Ministri mbae hemi nid blong tekem nara disisen blong olketa skuls long ol nara provins blong TORBA, PENAMA mo MALAMPA.

Namba 5:

Ministri hemi stap askem evri Prinsipol blong oli mas ripot bak long eni suspected case we hemi kam antap long wan wan skul kwik taem, blong ol peren o guardian hemi save lukaotem gud pikinini long haos, blong katem daon risk blong sik hemi pass i go long ol nara pikinini.

Long klosing, Ministri hemi stap enkarajem evri Prinsipol, Skul Komuniti, Staff, Pikinini, Parent o Guardian blong oli tekem not long olketa health advisory mesej we hemi stap kam kamaot long ol intenasonal organization olsem Wol Helt Organisesen (WHO) mo UNICEF, watem ol ofis blong kavman olsem Ministri blong Helt (MoH), Nasonel Disasta Manejmen Ofis (NDMO) mo Ofis blong Praem Minista (PMO) blong yumi stap blong lukaotem gud yumi blong protectem yumi long sik ia.

Ministri mbae hemi stap providem olketa update long ol advisory mesej we mbae hemi go long evri PEOs long provins, ol Prinsipol mo ol skul komuniti long evri wik.

Takio tumas long andastanding blong yufala evriwan mo mbae God mbae hemi kontiniu blong lukaotem gud yumi oltaem.



Iati Bergmans
Direkta Jenerol

